

Ordenanza Fiscal Reguladora da Taxa pola prestación do Servizo de Axuda no Fogar

Artigo 1º. Fundamento e natureza

1.1 En uso das facultades concedidas nos artigos 133.2 e 142 da Constitución e polo artigo 106 da Lei 7/1985, do 2 de abril, reguladora das bases do réxime local, e de conformidade co disposto nos artigos 15 a 19 do Real decreto legislativo 2/2004, do 5 de marzo, polo que se aproba a texto refundido da Lei reguladora das facendas locais, e artigo 81 da Lei 5/1997, do 22 de xullo, da Administración local de Galicia,

O Concello de Arzúa establece a taxa pola prestación do servizo de axuda no fogar atendendo ao establecido nos artigos 20.4 e 57 do citado Real decreto legislativo polo que se aproba a texto refundido da Lei reguladora das facendas locais.

1.2 O Servizo público de Axuda no Fogar configúrase como unha prestación do Sistema público de Benestar Social establecida na Lei 39/2006 do 14 de decembro de Promoción da Autonomía persoal e de Atención as persoas en situación de dependencia e demais normativa estatal de desenvolvemento, Lei 13/2008 de Servizos Sociais de Galicia e demais na normativa de carácter autonómico que desenvolve a Autonomía e atención á dependencia na Comunidade Autónoma, e en especial a Orde do 22 de xaneiro do 2009 pola que se regula o servizo de axuda no fogar (DOG nº 22 do 2/02/ 2009) .

1.3 As atencións que se prestan son as reflectidas no Regulamento Municipal do Servizo de axuda no fogar no Concello de Arzúa.

Artigo 2º. Feito imponible

Constitúe o feito imponible a prestación efectiva do servizo de axuda no fogar, nos termos e condicións de intensidade regulada polo Regulamento Municipal do servizo de axuda no fogar.

Artigo 3º Suxeito pasivo

Son suxeitos pasivos en concepto de contribuíntes as persoas físicas que soliciten ou resulten directamente beneficiadas pola prestación do servizo, xa sexa con carácter estable ou temporal.

Artigo 4º Responsables

4.1 Responderán solidariamente das débedas tributarias as persoas ou entidades as que se refire o artigo 42 da Lei 58/2003, de 17 de decembro, Xeral Tributaria.

4.2 Serán responsables subsidiarios as persoas ou entidades as que se refire o artigo 43 da Lei 58/2003, de 17 de decembro, Xeral Tributaria.

Artigo 5º Cota Tributaria

5.1 A base imponible estará constituída polo tempo de utilización do servizo, medido en horas, por parte da persoa usuaria.

5.2 O tipo de gravame é o prezo unitario por hora de servizo que se establece en 12 €/hora.

5.3 A cota tributaria integra será o resultado de aplicar base imponible (número de horas da prestación) o tipo de gravame (prezo por hora do servizo).

5.4 Sobre a cota tributaria así establecida aplicaranse os coeficientes fixados no cadro seguinte para determinar a cota a pagar ou liquida. Os coeficientes establécense en función da capacidade económica da persoa usuaria, e están calculados de conformidade co establecido no Orde da Consellería de Vicepresidencia da Igualdade e do Benestar da Xunta de Galicia, pola que se regula o servizo de axuda no fogar.

Coeficientes a aplicar ó Prezo-Hora:

1. A porcentaxe de participación das persoas usuarias no servizo de axuda no fogar serán as seguintes, tendo estipulado para o ano 2010 o precio por hora de 12 euros:

TÁBOA DE COPAGAMENTO DE AXUDA NO FOGAR ADAPTADA AO ARTIGO 18 DA NOVA ORDE	
INGRESOS EN RELACIÓN AO IPREM	COPAGAMENTO
Inferiores ó IPREM	0%
Entre o 100% e o 150%	10%
Entre o 150% e o 200%	12%
Entre o 200% e o 250%	15%
Entre o 250% e o 300%	20%
Entre o 300% e o 350%	28%
Entre o 350% e o 400%	37%

Entre o 400% e o 450%		45%
Entre o 450% e o 500%		60%
> 500%		65%

2. Poderán preverse excepcións aos criterios xerais nos casos nos que a problemática principal atendida sexa a desestruturación familiar ou se procure a integración e protección de menores en risco de exclusión, mediante resolución motivada do órgano competente, da que deberá deixarse constancia no correspondente expediente.

Artigo 6º Beneficios Fiscais.

Non se outorgarán beneficios salvo os expresamente previstos en normas con rango de lei e os derivados dos tratados internacionais.

Artigo 7º Obriga de contribuír.

A taxa devengarase e nace a obriga de contribuír no momento de iniciarse a prestación do servizo.

Artigo 8º Normas de xestión

8.1 As normas de altas, modificacións e baixas na prestación do servizo son as recollidas no Regulamento Municipal do Servizo de Axuda no Fogar.

8.2 As liquidacións practícanse por meses naturais, aboándose cada mensuralidade nos dez primeiros días naturais do mes.

8.3 O pagamento efectuarase mediante cargo na conta corrente ou libreta de aforros que a persoa solicitante ou usuaria do servizo de axuda no fogar deberá indicar no modelo oficial que lle será facilitado polo Concello.

8.4. O Concello de Arzúa revisará anualmente, cando proceda, os prezos base do servizo, e adaptará as porcentaxes correspondentes ás aportacións das persoas usuarias segundo as modificacións que ponderan emanar dos órganos autonómicos correspondentes. En ambos casos, de darse modificacións, comunicárase por escrito ás persoas usuarias.

Disposición derogatoria

A presente ordenanza deroga a anterior ordenanza fiscal da taxa pola prestación do servizo de axuda no fogar.

Disposición Final

A presente ordenanza foi aprobada polo Pleno da Corporación e entrará en vigor o día da súa publicación no Boletín Oficial da Provincia, permanecendo en vigor en tanto non se acorde a súa modificación ou derogación expresa.